

Escrito por Redaccion @valminorinfo
Xoves, 08 Xaneiro 2015 23:25

O goberno de Nigrán procura emendar os erros que retardan a vixencia dos orzamentos de 2015. Nese senso o alcalde Alberto Valverde convocou este xoves unha comisión extraordinaria de contas para o vindeiro luns para tratar con urxencia o punto. Tamén adianta que pretende celebrar un pleno extraordinario o día 15 de xaneiro. Dende o PSOE lembran ao rexedor que debido a súa "falta de previsión" e non contestación [ás alegacións presentadas](#), os de 2013 xa están prorrogados. Pola súa banda, UCN esixe a Valverde que publique unha "anulación" no BOP da aprobación irregular [dos mesmos do mes de decembro](#).

O goberno do popular Alberto Valverde quere emendar o feito de ter aprobados e publicados no BOP uns orzamentos que **aínda ten** [seis alegacións pendentes de resolver](#). As mesmas foran presentadas por Esquerda Unida e non levadas para o seu debate no pasado pleno de decembro cando cos votos dos concelleiros de goberno e mais o non adscrito Ignacio Vilas foron aprobados e o [30 de decembro publicados no BOP](#).

A situación ten en suspenso a aplicación dos mesmos á vez que xerou críticas da oposición polo proceder do rexedor.

Dende o PSOE afirman que Valverde vese agora na obriga de prorrogar de novo os de 2013 ata tanto non resolva a irregularidade. *"Dado que os orzamentos de 2013 xa están prorrogados e en vigor, o lóxico sería levar a aprobación definitiva das contas do 2015 ao pleno ordinario do 29 de xaneiro e dende o Partido Socialista así llo pedimos ao goberno do Partido Popular"*, sostíña esta tarde o edil Juan González.

"A lentitude e falta de previsión a posibles alegacións unido a falta de diálogo e participación, fai que sexa necesario levar de novo a pleno o proxecto de orzamentos de Nigrán de 2015", denunciaba González quen advirte que teme que despois desta convocatoria extraordinaria de contas *"virá a convocatoria dun pleno extraordinario e con elo tan so xa adiantaríanse dez días sobre o ordinario de xaneiro"*

"As veces as urxencias non son as mellores compañeiras de viaxe", engade o socialista que lembra unha recente situación similar como foi o pleno extraordinario e urxente para levar a cabo a aprobación inicial do PXOM *"e o resultado desastroso que iso supuxo validando un documento que será necesario voltar a expor ao público"*.

Tamén nesta semana o edil Fernández Comesaña (UCN) esixiu ao alcalde a publicación inmediata no BOP dunha **"anulación"** da anterior que daba por aprobadas definitivamente as contas. Lembraba que as alegacións presentadas por EU o pasado 26 de decembro **se fixeron en tempo e forma, sendo "desprezadas gravemente" polo rexedor ao non levalas ao pleno**.

Nun comunicado, UCN advertiu a Valverde que tal comportamento, a parte de ser ilegal por

O goberno procura emendar con urxencia os erros cometidos na aprobación dos orzamentos de Nigrán.

Escrito por Redaccion @valminorinfo
Xoves, 08 Xaneiro 2015 23:25

vulnerar o disposto no art. 169 do Real Decreto Lexislativo 2/2004, do 5 de marzo, "*demuestra o seu desprezo á legalidade vixente*

". Polo que agora está obrigado a cumprir a lei, polo que coincidindo co PSOE, afirma que "non ten máis remedio que anulalo e proceder a prorróga automática dos orzamentos do ano 2013"

ÂÂÂÂÂ